



REPUBLIKA E KOSOVËS / REPUBLIKA KOSOVA

GJYKATA THEMELORE PEJË

Numri i lëndës: 2018:067228

Datë: 30.03.2021

Numri i dokumentit: 01649471

P. nr. 876/18

NË EMËR TË POPULLIT

GJYKATA THEMELORE NË PEJË D.P. , gjyqtari Sejdi Blakaj me sekretaren juridike Gjyljeta Çorkadiu , në lëndën penale kundër të pandehurit H. N. , sipas aktakuzës së PTH-së D.P. në Pejë PP/II. nr.2158/18 të dt.07.11.2018 për shkak të veprës penale: H. N. , për shkak të veprës penale: degradimi ose shkatërrimi i mjedisit nga neni 347 par 1të KPRK-së , pas përfundimit të shqyrtimit fillestar , publik dhe me gojë, të mbajtur në praninë e të pandehurit H. N. dhe të prokurorit të shtetit Muharrem Bajraktari me dt.30.3.2021 ka marrë dhe botërisht ka shpallë këtë

A K T G J Y K I M

I pandehuri H. N. i lindur me dt..... në fsh. Komuna e , tani me vendbanim në lagja rruga “” nr. 2 ,i biri i B. dhe nënës Sh. e gjinisë K., i njohur me dokument identifikues numër, ka të kryer shkollën e mesme , i pa punë, i martuar baba i 5 fëmijëve, i gjendjes së dobët ekonomike, kinse i pa dënuar më parë nga gjykata, Shqiptar, shtetas i Republikës së Kosovës, gjendet në liri.

ËSHTË FAJTOR

Për arsye se:

Me datë .19.9.2018, në kohë të pacaktuar në , me dashje dhe në kundërshtim me Ligjin numër 03/L-163 për Miniera dhe Minerale si dhe Ligjit numër 04/L-158 për Ndryshimin dhe Plotësimin e Ligjit numër 03/L-163, ka bërë degradimin e mjedisit , në atë mënyrë që me rastin e kontrollit dhe inspektimit të bërë nga personat e autorizuar të KPMM, ditën kritike Kompaninë N.T.SH “.....” me numër të biznesit 80115083, me adresë “.....” p.n, e përfaqësuar nga i pandehuri , është hasur pa leje dhe pa licencë duke bërë përpunimin – sipërmin e gurit gëlqerorë në kundërshtim me ligjin e lartcekur, me çka të dëmtuarës i ka shkaktuar dëm material!

-me çka ka kryer vepra penale : degradimi ose shkatërrimi i mjedisit nga neni 347 par 1 të KPRK-së

Prandaj gjykata të pandehurin konform nenit 41,42,43,46, dhe nenit 347 par 1 të KPRK-së.

E G J Y K O N

Me dënim me gjobë në shumë prej **500 € euro**, të cilën gjobë i pandehuri është i obliguar ta paguaj në afat prej 3 muajsh , në rast të mospagimit gjoba në fjalë i zëvendësohet me dënim me burg duke llogaritur 20 (njëzet) euro për 1 (një) ditë burgu .

Obligohet i pandehuri që në emër të paushallit gjyqësorë të paguaj shumën prej 15 euro , kurse në emër të taksës për mbrojtjen e viktimave të krimit shumën prej 30 euro - të gjitha këto 15 ditë pasi që aktgjykimi të merr formën e prerë.

E dëmtuara për realizimin eventual të kërkesës pasurore juridike udhëzohet në kontest të rregullt civil .

Shpenzime procedurale nuk ka pasur .

A r s y e t i m

Prokuroria Themelore në Pejë me dt.07.11.2018 kundër të pandehurit H. N., ka ngritë aktakuzë PP/II. nr.2158/18, për veprë penale: H. N. , për shkak të veprës penale: degradimi ose shkatërrimi i mjedisit nga neni 347 par 1 të KPRK-së, duke i propozuar gjykatës që pas përfundimit të shqyrtimit gjyqësorë të pandehurin ta shpallë fajtorë , ta dënoj sipas ligjit dhe ta obligoj në pagimin e shpenzimeve procedurale .

Në shqyrtimin fillestarë i pandehuri – pasi që paraprakisht i është lexuar aktakuza , është njoftuar me të drejtat dhe detyrimet procedurale dhe pasojat e pranimi përkatësisht të mos pranimit të fajësisë- e ka pranuar fajësinë dhe ka manifestuar keqardhje për atë që i ka ndodhur. Këtë pranim fajësie gjyqtari – pasi që paraprakisht e ka marrë pëlqimin e prokurorit të shtetit, i bindur se pranim fajësinë i pandehuri e ka bërë ashtu siç e parasheh ligji – vullnetarisht dhe pa u ndikuar nga askush dhe në asnjë mënyrë -e ka pranuar.

Meqenëse i pandehuri e pranoj fajësinë gjyqtari kaloi në marrjen e vendimit lidhur me llojin dhe lartësinë e masës ndëshkuese , me ç rast i pati parasysh të gjitha rrethanat rënduese dhe lehtësuese. Rrethanë rënduese në rastin konkret gjyqtari nuk ka gjetur , kurse nga ato lehtësuese ka çmuar : pranimin e sinqertë të fajësisë që është rrethane veçanërisht lehtësuese , pendimin e thellë për këtë gjë, qëndrimin korrekt në gjykatë, pa dënueshmërinë e mëparshme , por edhe faktin se i pandehuri është i vetmi mbajtës i familjes prej 7 anëtarësh , për momentin i pa punë, dhe kësaj gjyqtari mendon se edhe me një vendim si në dispozitivin e aktgjykimit ndaj të pandehurit do të arrihet qëllimi i ndëshkimit i paraparë me neni 41 të KPK-së .

Vendimi mbi shpenzimet e procedurës penale dhe të paushallit gjyqësor është marrë konform neni 450 të KPPRK-së.

Vendimi obligimin e të pandehurit për taksat për programin e kompensimit të viktimave të krimit është marrë konform Ligjit nr. 05/L-036

Vendimi mbi udhëzimin e të dëmtuarit në kontestin e rregullt civil është marrë konform neni 463 të KPPRK-së .

Nga sa u tha më lartë konform neni 365 të KPPRK-së u vendos si më lartë.

Nga Gjykata Themelore në Pejë D.P. datë.30.3.2021.

Sekretarja juridike
Gjyljeta Çorkadiu

Gjyqtari
Sejdi Blakaj

KËSHILLA JURIDIKE

Kundër këtij aktgjykimi lejohet
Ankesa në afat prej 15 ditësh nga
Dita e marrjes , Gjykatës të Apelit në Prishtinë
E përmes kësaj Gjykate .